

Анна Павловна Неркаги

### Аст̄ал ѓлнэ

(потыр охса)

Эква Н̄ай в̄атан кос ёмасас... л̄аглаге с̄айтт̄ал та пат̄апасыг. Ань п̄охын ке минуңкве, ат ке п̄ойкуңкве, т̄онт тай ат в̄еритан в̄армалъ щир ѓлнуv. Эква сыме щ̄аргим н̄ай а̄ращ нупыл аңкватас. Н̄ай султум аман ѓлы? Н̄ай потыр м̄агыс ке п̄алтаве – тай таве нас щ̄ай п̄айтнэ м̄агыс хунь п̄алтаве...

Т̄осам х̄ѓвт товыт посым т̄ал молях н̄ѓх-косамлавёсыт. Л̄ащал, молямлатт̄ал Эква ошцаг халытым ѓңхың ѓрасыт н̄айн пиныс. Яныг н̄ай молях сохтыг ос карсыг п̄елаяс. Эква илттыг в̄агт̄ал патум к̄атаге с̄ансаг̄ен пинумтас. Аквта м̄ат̄эн ѓнтыс, х̄ѓт тав ѓлнэ нотэ ѓвылтахтас, та пора тах ётыл ёхты, х̄унь ѓлнэ нотэ оигпи.

– Л̄атың ёт ёхтысум, – Эква л̄ащал л̄ягалас. Т̄ақыщ л̄ягалас, тав в̄агтэ, сыме ёрыг вос ѓлы, турсуе хурахлан к̄ем ул вос ѓлы.

– Юи-ѓвыл щ̄ёс ам наңын п̄еламтаслум. Юи-ѓвыл щ̄ёс ам к̄атагум наң алпин карсатасыг, а самагум суссылтап киссыг...

Пуңке н̄ѓх ат а̄лмитэ, туп вильт̄эн пос ос н̄ай р̄ег вос х̄ѓи, элалъ, сым̄ет ёре т̄ақыщ ѓрим, потырты:

– Ам самвитанум наң вильтын ат паттыанум. Ам наңынн полыщ ат тот̄егум, л̄ѓль л̄атың наңын ат л̄ав̄егум. М̄ѓт н̄ѓ к̄атыг наңын тах элалъ ѓргалаңкв пат̄эг. Таим̄агыс ам ань тыт ... тувыл ос м̄ѓт в̄армалъ щирыл ам тыт, – молямлым м̄ѓтщирыл п̄ерумтахтас ос ѓнтыс. С̄анспуңкаге тармыл ѓнтыс, пуңке ёл-т̄аратастэ.

- Ам наң э̄лы-п̄алынт пуңкпин̄егум...

(Перевод на мансийский язык Кумаевой М.В.)